

四庫全書

史部

欽定四庫全書

史部
欽定歷代職官表卷二十八

編修_臣初喬齡覆校

纂修兼校勘內閣中書_臣柴模

謄錄監生_臣王侶

欽定四庫全書

欽定歷代職官表卷二十七

太常寺表

太常寺卿

三代秦漢後漢三國晉宋齊梁陳北魏北齊後周隋唐五季宋遼金元明

殷周太常寺卿

太常

太常

太常

蜀漢太常寺卿

太常

宋齊太常寺卿

太常

北魏太常寺卿

太常

北齊太常寺卿

太常

後周太常寺卿

太常

隋太常寺卿

太常

唐太常寺卿

太常

五季太常寺卿

太常

宋太常寺卿

太常

遼太常寺卿

太常

金太常寺卿

太常

元太常寺卿

太常

司庫庫使 筆帖式

周
典瑞中
士

天
書
據

提
點
書
法
物
庫
幹
辦
使
法
物
庫
祭
器
所
法
物
庫
提
點
朝
制
便
服
法
物
庫
所

今
吏

今
吏
請
吏

太常寺

國朝官制

太常寺卿滿洲漢人各一人正三品少卿滿洲漢人各一

人正四品

掌典守

壇壝

廟

社以歲時序其祭祀而詔其行禮之節祭日則帥其屬

以分司厥事凡牲牢之數籩豆之實咸準儀式而為之共備焉

國初設太常寺以隸禮部置卿少卿等官凡祭祀事宜由禮部掌行順治十六年改歸本寺康熙二年復以寺事屬禮部十年仍歸本寺雍正元年始

特簡大臣總理寺事乾隆十四年定禮部滿洲尚書以兼管太常寺入銜永為成式焉

寺丞滿洲一人漢人二人

正六品

掌祭祀之儀式辨其職事以詔有司及遴補員吏
鈎稽廩餼之事

國初設滿洲寺丞一人漢人左右寺丞各一人皆堂
上正官乾隆十三年改為屬官

博士滿洲一人漢軍一人漢人一人

正七品

掌繕寫章牘有祀事則具儀以進品物所須咸應
時而供其直焉員額順治元年定

贊禮郎滿洲二十二人漢人十四人

滿洲贊禮郎初制
四品順治十六年

改為九品康熙四年改為六品六年改為五品九年仍
改為正九品尋又定由護軍校驍騎校選授者六品職
銜由八品筆帖式監生選授者八品職銜乾隆元年改定俱
式庫使前鋒護軍選授者九品職銜乾隆元年改定俱
以六品冠帶食七品俸漢人讀祝官滿洲八人初制五
贊禮郎仍初制為正九品讀祝官滿洲八人初制五
九年改為正九品尋又定品數如贊禮郎視出身學習
為差乾隆元年改定俱以六品冠帶食七品俸

贊禮郎讀祝官各滿洲二人

冠帶九品

掌相儀序事務物繫器凡國之大禮祀則分充典

儀典樂通贊引禮傳贊司香司玉帛司爵司祝司

饌掌燎掌瘞進俎挈壺司拜牌拜褥等官各共其

職無有不恪凡中祀羣祀咸準式而差次之以奉
殷禮焉滿洲贊禮郎初置十六員讀祝官初置四
員又有禮部讀祝官二員康熙十年以禮部讀祝
官改隸太常寺尋又增置額外讀祝官二員雍正
十一年增置贊禮郎八員改額外讀祝官二員為
正額乾隆三十七年以贊禮郎二員分隸鑾儀衛
司贊鳴鞭四十年增置學習贊禮郎讀祝官各二
員漢人贊禮郎順治初置十六員康熙三十八年

省二員雍正元年復置乾隆二年又增置二員九年復省四員

典簿廳典簿滿洲漢人各一人

正七品

掌行遣文移凡祭祀則辨籩豆牲牷之位而陳之員額順治元年定

司庫滿洲一人庫使滿洲二人

掌祭器儀服之屬各以其物而分貯之歲支銀於戶部鈎考出入以供祀事司庫員額順治元年置

庫使員額雍正七年置

筆帖式滿洲九人漢軍一人

滿洲筆帖式初置十八員康熙三十八年省九員

漢軍筆帖式初置二員康熙三十八年省一員

職事

具吏
部篇

謹案太常寺初設有犧牲所牧滿洲漢人各一

人從七品掌繫牲拴而芻牧之以待祭祀乾隆

二十六年省以其事改入內務府慶豐司管理

歷代建置

三代

杜佑通典今太常者亦唐虞伯夷為秩宗兼夔典樂之任也周時曰宗伯掌邦禮

周禮鄭康成注唐虞三代以宗官典國之禮與其

祭祀漢之太常是也

賈公彥疏上舉唐虞下舉周法則其中夏殷亦宗官掌禮

可知故總以
三代言之

禮記曲禮天子建天官先六太曰太祝太士鄭康

成注此蓋殷時制也

周禮春官大宗伯卿一人掌建邦之天神人鬼地
示之禮以佐王建保邦國以吉禮事邦國之鬼神
示以禋祀祀昊天上帝以實柴祀日月星辰以禋
燎祀司中司命飢師雨師以血祭祭社稷五祀五
嶽以貍沈祭山林川澤以醵辜祭四方百物以肆
獻裸享先王以饋食享先王以祠春享先王以禴
夏享先王以嘗秋享先王以烝冬享先王小宗伯

中大夫二人掌建國之神位右社稷左宗廟兆五
帝於四郊四望四類亦如之兆山川丘陵墳衍各
因其方辨廟祧之昭穆毛六牲辨其名物而頒之
於五官使共奉之辨六彛之名物以待果依注將作裸
辨六尊之名物以待祭祀賓客掌四時祭祀之序
事與其禮鬱人下士二人府二人史一人徒八人
掌裸器詔裸將之儀與其節鬯人下士二人府一
人史一人徒八人掌共秬鬯而飾之司尊彛下士

二人府四人史二人胥二人徒二十人掌六尊六
彝之位詔其酌辨其用與其實司几筵下士二人
府二人史一人徒八人掌五几五席之名物辨其
用與其位典瑞中士二人府二人史二人胥二人徒
十人掌玉瑞玉器之藏辨其名物與其用事設其
服飾四圭有邸以祀天旅上帝兩圭有邸以祀地
旅四望裸圭有瓚以肆先王以裸賓客圭璧以祀
日月星辰璋射邸以祀山川以造贈賓客太祝下

大夫二人上士四人小祝中士八人下士十有六人府二人史四人胥四人徒四十人太祝掌六祝之辭以事鬼神永祈福祥求永貞一曰神祝二曰年祝三曰吉祝四曰化祝五曰瑞祝六曰筴祝小祝掌小祭祀將事侯禳禱祠之祝號以祈福祥順豐年逆時雨寧風旱彌裁兵遠臯疾凡事佐太祝

謹案唐虞三代皆以宗官主祭祀之禮說者訓

宗為尊以其叙次天神地祇人鬼之禮事則謂之秩宗以其為治尊禮之長官則謂之宗伯其義一也自六官之制既廢秦漢始改設太常以代宗伯之任自是宗官職掌乃盡移於太常故漢官典職謂太常蓋周官宗伯崔駰太常箴亦云翼翼太常實為宗伯晉書華恒傳恒拜太常元帝詔曰恒司宗伯之任後魏禮志劉芳為太常表云臣忝居宗伯權德輿謝除太常卿表亦

有自罷宰司再復宗伯之語其後尚書省雖復置禮部以準春官而太常亦並建不廢寅清之職遂歧而為二故唐六典於禮部尚書侍郎及太常卿沿革皆以春官宗伯當之未免散而無統今制以禮部滿洲尚書兼管太常寺永為定式於是容臺之任始歸畫一洵與周禮相符矣特以源流所自在三代原無所區分故仍從六典互見於此表焉

又案祝之為官所以達誠薦信於鬼神故三代特重之史記周本紀武王立於社南尹佚祝筭張守節正義曰尹佚讀筭書祝文以祭社則如今宣讀祝文之職又逸周書嘗麥解王初祈禱於宗廟少祝導王亞祝迎王則又如今贊引對引之職禮記月令仲秋乃命宰祝循行犧牷鄭康成注太祝主祭祀之官則又如今驗視牲隻之職據春秋左氏莊三十二年傳虢有祝應宗

區史器則祝官列於宗官之上當亦由祭祀在
正辭告神故太祝為主也至鬱人鬯人司几
筵諸職所司在詔儀節而辨用位正如今之贊
禮郎而典瑞掌藏玉器鄭康成曰禮神曰器今
凡蒼璧黃琮及金編鍾玉編磬等皆恭貯寺庫
設官典守亦其職矣

秦

冊府元龜秦置奉常掌宗廟禮儀有丞

史記封禪書秦諸祠太祝常主以歲時奉祠祝官
有祕祝即有菑祥輒祝祠移過於下

漢

唐六典漢高祖名曰太常惠帝復曰奉常

史記景帝本紀中六年更命奉常為太常

王應麟
玉海景

帝中六年吳
利始為之

漢書百官公卿表奉常掌宗廟禮儀諸陵縣皆屬

焉

漢書昭帝本紀元鳳元年三輔太常徒

蘇林注時太常主陵

縣治民也

三年三輔太常郡

如淳注太常主諸陵別治其縣爵秩如三輔郡元帝

永光五年令各屬在所郡也

後漢書百官志太常卿一人中二千石掌禮儀祭

祀每祭祀先奏其禮儀及行事常贊天子每選試

博士奏其能否大射養老皆奏其禮儀每月前晦

察行陵廟

通典太常卿漢舊常以列侯忠孝謹慎者居之後

漢不必侯也舊制陵縣悉屬歲舉孝廉後漢則
否建安中為奉常

歐陽詢藝文類聚漢官解詁曰太常掌社稷郊時
事重職尊故在九卿之首

太平御覽劉熙曰漢置十二卿首太常韋昭辨曰
漢正卿九首太常自漢以來九卿所居謂之寺

顏師古漢書注太常者王之旌也畫日月焉王者
有大事則建以行禮官主奉持之故曰奉常後改

為太尊大之義也

宋書百官志應劭曰欲令國家盛大常存故稱太

常

謹案秦漢太常即周官宗伯之任故朝廟大禮
皆其所掌不獨祭祀之法式然百官表謂掌宗
廟禮儀而不言朝會則其職仍以祠祀為重也
至百官表謂漢初曰奉常景帝始改太常而唐
六典則云漢初已名太常通典亦同皆與百官

表互異今考史記叔孫通列傳實稱高帝拜通
為太常不作奉常而太平御覽引漢官典職亦
有惠帝改太常為奉常之文是其說當有所據
殆百官表徵引未備耳又太常之義應劭顏師
古立說各殊未知孰是然周官有司常之職亦
以常名官則顏說當為近之唐書楊收傳載收
建言太常分務專治所以藏天子旂常宋張耒
除太常作詩亦有平生秉周禮垂老奉龍旂之

句益均以顏說為可據矣

漢書百官公卿表奉常有丞

王應麟玉海漢舊儀太常丞舉廟中非禮者

漢書韋元成傳元成兄宏為太常丞職奉宗廟典
諸陵邑

後漢書百官志太常丞一人比千石掌凡行禮及
祭祀小事總署曹事其署曹掾史隨事為員

謹案劉昭補後漢志注引盧植禮注云太常卿

如大樂正丞如小樂正蓋兩漢大樂令及五經

博士皆隸太常故植有此說

今大樂令入樂部表五經博士入國子監

表至今之太常博士曹魏始置與此不同說詳後

其實丞與卿通判寺

事正如今少卿之比故卿秩中二千石而丞亦

秩至比千石也自後魏既置少卿則丞為散員

故唐六典與主簿同職明代乃以少卿與丞均

作正官未免冗贅

國朝改寺丞為屬官於體制實為允協矣

唐六典漢官儀鹵簿篇太常駕四馬主簿前車八乘有鈴下侍閣奉車騎吏五伯等員

謹案太常主簿前後漢志俱不載僅見於此蓋即如今典簿之職也

劉昭後漢書志注漢舊儀曰贊饗一人秩六百石掌贊天子

顏師古急就篇注治禮贊禮儀者也屬太常

謹案漢之贊饗即封禪書所云天子揖見太乙

其贊饗曰天始以寶鼎神策授皇帝後漢書禮儀志所云帝進拜謁贊饗曰嗣曾孫皇帝敬再拜者是也蓋主於祝讚禮儀正如今贊禮郎之職而治禮郎四十七人則惟大鴻臚有之太常官屬並無此名然劉昭注引東觀書稱治禮郎主齋祠則祭祀饗贊之事亦其職司故顏師古以為兼屬太常其言當有所據或兩漢志脫漏也

史記封禪書高祖召秦祝官復置太祝太宰如其
故儀禮

漢書百官公卿表奉常屬官有太祝令丞景帝中
六年更名太祝為祠祀武帝太初元年更曰廟祝
後漢書百官志太祝令一人六百石凡國祭祀掌
讀祝及迎送神丞一人掌祝小神事太宰令一人
六百石凡國祭祀掌陳饌具丞一人

劉昭後漢書志注漢舊儀曰廟祭太祝令主席酒

後漢書禮儀志郊祀夕牲太祝吏牽牲入到榜太祝令繞牲舉手曰充

東觀漢記陰猛好學溫良以郎遷為太祝令

謹案漢之太祝令丞即如今讀祝官而太宰令丞掌陳饌具則今典簿之司祭前陳設者亦兼有其職又太祝令員更有宰二百四十二人屠者六十人太宰令員更有宰二百四十二人屠者七十三人為數甚多今太常寺設有厨役三

百九十名以供各祭祀烹宰滌濯及陳設之役
即其例也

漢書朱博傳博以太常掾察廉為安陵丞

劉昭後漢書志注漢官曰太常員吏八十五人其
十二人四科十五人佐五人假佐十三人百石十
五人騎吏九人學事十六人守學事

三國

三國蜀志杜瓊傳後主踐阼拜諫議大夫遷大鴻

臚太常孟光傳太常廣漢鐔承

三國魏志文帝紀黃初元年改奉常為太常

晉書職官志太常博士魏官也魏文帝初置

晉書鄭袤傳袤在魏轉太常高貴鄉公議立明堂
精選博士表舉劉毅等後並至公輔

謹案兩漢以五經博士隸屬太常多至數十人
後為博士置弟子員其薦舉選用皆太常主之
漢書功臣侯表山陽侯張當居為太常坐擇博

士弟子不以實免侯漢之太常所以稱為劇職也自隋唐以後專設國子監五經博士已不隸於太常今別著於國子監表至今之太常博士則始於魏文帝時職在導引乘輿與漢之五經博士並非一官唐六典叙太常博士沿革乃與太學國學諸博士混而一之殊為失考矣

三國吳志三嗣主傳太元元年會稽太守滕允為太常

趙彥衛雲麓漫鈔吳天璽元年遣兼太常周處封
禪國山

晉

晉書職官志太常為列卿置丞功曹主簿五官等
員

冊府元龜晉承魏制太常有博士員

通典太常博士魏初置晉因之掌引導乘輿王公
以下應追謚者則博士議定之

晉書鄭默傳默為太常山濤欲舉一親為博士謂默曰卿似尹翁歸令我不敢復言

唐六典晉有太祝令丞太常諸博士有治禮吏二十四人太祝令史三十人

謹案西漢太常卿必以見侯居之蓋以職奉宗廟園陵故特隆其任然事關典禮動輒得咎由元狩以降太常卿因事廢斥者二十人漢書韋元成傳稱太常煩劇多罪過者是也考之漢書

表中所載如鄴侯蕭壽成坐犧牲瘦蓼侯孔臧
坐衣冠道橋壞繩侯周平坐不繕園屋睢陵侯
張昌坐乏祠廣阿侯任越人坐廟酒酸俞侯樂
賁坐雍犧牲不如今牧丘侯石德坐廟牲瘦當
塗侯魏不害坐孝文廟風發瓦輾陽侯江德坐
廟郎夜飲失火弋陽侯任宮坐人盜茂陵園物
皆以奉祠不謹之故削爵免官是當時於祀事
尚為嚴恪故其責任亦重沿及晉初猶循漢舊

晉書所載如張華傳華為太常以太廟屋棟折
免官刑法志元康四年大風廟闕屋瓦有數枚
傾落免太常荀寓五年大風蘭臺主者求索阿
棟之間得瓦小邪十五處遂禁止太常復興刑
獄陵上荆一枚圍七寸二分者被斫司徒太常
奔走道路太常禁止不解蓋法制之嚴肅如此
自琅邪南渡此任漸輕晉書任愷傳遂以太常
為散職而南史張瓌傳又稱瓌拜太常自謂閑

職至於病免去官則其時苟且立國不復講求
典禮亦概可見矣

又案晉書職官志太常屬官內不載太祝令丞
而刑法志載裴頠奏稱近日太祝署失火燒屋
三間半署在廟北隔道在重牆之內云云是晉
時實嘗置太祝唐六典亦謂晉有此官疑職官
志因傳刻脫去太祝二字耳

宋齊梁陳

宋書百官志太常一人太祝令一人丞一人掌祭祀讀祝迎送神

冊府元龜宋太常府博士

南史徐爰傳宋孝武即大位爰兼太常丞撰立儀注

南齊書百官志太常府置丞一人五官功曹主簿太祝令一人丞一人

唐六典齊職儀太祝令品第七四百石銅印墨綬

進賢一梁冠絳朝服用三品勲位

隋書百官志梁天監七年以太常為太常卿視金紫光祿大夫統太祝令丞

通典太常丞梁舊同員外郎遷尚書郎天監七年改視尚書郎陳因之

鄭樵通志梁天監七年十二卿各置主簿惟太常主簿視二衛主簿陳因之

隋書百官志陳太常中二千石

隋書禮儀志陳天嘉中太中大夫領大著作攝太常卿許亨

謹案自晉以後太常雖為列卿之首而職事清簡已非兩漢可比然梁陸倕讓太常表有云宗卿清重厯選所難漢晉已降莫非素範則當時尚以為華選也至梁世太祝令在十八班之末品秩最微而隋書禮儀志載天監十一年太祝牒北郊止有一海及二郊俎案詔下詳議蓋職

所在故太祝亦許其叅預禮文然史但言牒而不言奏則必先闕白於卿而為之入告者耳

北魏

魏書官氏志太和中高祖議定百官太常從第一品下少卿第三品上太常丞第五品下太祝令從第五品下治禮郎從第六品下祝史太常齋郎從第七品中太常日者從第七品下二十三年復次職令太常第三品太常少卿第四品丞第七品太

常博士從第七品太祝令從第八品太常功曹五

官治禮郎從第九品

魏書禮志太常博士鄭太議文昭皇后改葬服

魏書高遵傳遵為中書侍郎高祖恭薦宗廟遵形貌

莊潔音氣雄暢常兼太祝令跪贊禮事為俯仰之
節粗合儀矩由是高祖識待之

謹案北魏太祝令掌跪贊禮事正如今贊禮郎
讀祝官之職而高遵以中書侍郎第四品下兼

太祝令從第八品則亦如今太常寺官之譜習儀
典者雖陞任以後仍得兼贊禮讀祝行走不另
開缺也又魏書禮志載太和十五年設薦於太
和廟高祖薦酌神部尚書王謏讚祝神部尚書
一官吏不概見殆即太祝之職而臨時特置以
重其事者歟

北齊

隋書百官志後齊太常寺置卿少卿丞各一人有

功曹五官主簿錄事等員掌陵廟羣祀禮樂儀制
天文術數衣冠之屬其屬有博士四人掌禮制統
太祝署令丞掌郊廟贊祝祭祀衣服等事

通志北齊太常有功曹五官主簿二人

後周

通典後周官品正七命大宗伯正六命小宗伯上
大夫正五命春官大司樂中大夫正四命春官小
司樂太祝下大夫正三命春官小祝上士正二命

春官司几筵司罇彝掌鬱掌鬯治禮等中士正一
命春官司几筵司罇彝掌鬱掌鬯治禮等下士

唐六典太常卿後周為宗伯少卿為小宗伯

謹案後周仿古制分建六官自唐六典及通典
冊府元龜諸書皆以大小宗伯為即太常卿及
少卿之職然考周書長孫紹遠傳紹遠初為太
常六官建拜大司樂又斛斯徵傳徵累遷太常
卿六官建拜司樂中大夫宣帝嗣位始遷大宗

伯疑當時實以大司樂當太常卿蓋用盧植禮
注之說也

隋

隋書百官志隋太常寺置卿少卿各一人丞二人
主簿二人錄事二人又有博士四人奉禮郎十六
人太祝署令一人丞一人太祝二人煬帝即位罷
太祝署而留太祝員八人屬寺後又增為十人奉
禮減置六人

案奉禮郎隋時實稱治禮郎唐人修
隋書因避高宗名改作奉禮謹附識

章俊卿山堂考索太常少卿隋煬帝加置二人

唐六典隋太常寺有謁者三十人贊引六十人祝

史十六人

唐

舊唐書職官志武德七年定令以太常為九寺貞
觀二十三年七月改治禮郎為奉禮郎龍朔二年
改太常為奉常卿為正卿咸亨元年詔依舊光宅
元年改太常為司禮神龍元年臺閣官名並依永

淳以前故事增置太常少卿一員

新唐書百官志太常寺卿一人正三品少卿二人
正四品上掌禮樂郊廟社稷之事凡大禮則贊引
有司攝事則為亞獻三公行園陵則為副大祭祀
省牲器則謁者為之導小祀及公卿嘉禮命謁者
贊相凡藏大享之器服有四院一曰天府院藏瑞
應及伐國所獲之寶褊袷則陳於廟廷二曰御衣
院藏天子祭服三曰樂縣院藏六樂之器四曰神

厨院藏御廩及諸器官奴婢丞二人從五品下掌
判寺事主簿二人從七品上博士四人從七品上
掌辨五禮按王公三品以上功過善惡為之謚大
禮則贊卿導引太祝六人正九品上掌出內神主
祭祀則跪讀祝文奉禮郎二人從九品上掌君臣
版位以奉朝會祭祀之禮凡樽彝勺罍篚玷簋簠
登鉶籩豆皆辨其位凡祭祀朝會在位拜跪之節
贊導之錄事二人從九品上

冊府元龜唐太常又有禮直五人乾元初省貞元七年又置禮儀直兩員九年以太常寺禮院置修撰檢討官各一員禮生員三十五人長慶二年又置守闕人

唐會要大中九年八月博士李慤引故事以禮院雖係太常博士自專無關白者太常三卿始蒞事博士無叅集之禮

封演聞見記太常博士掌謚藏事三品以上薨者

故吏錄行狀申尚書省考功校勘下太常博士擬議訖申省省司議定然後聞奏

唐六典太常謁者十人贊引二十人祝史六人

謹案舊唐職官志第一卷總序官制稱神龍元年增太常少卿一員而第二卷太常寺下又稱貞觀加置一員前後自相矛盾以唐六典通典考之則稱貞觀者誤也又唐之禮制皆掌於太常博士故禮院皆以博士自專不必關白於卿貳

然觀陸亘傳稱亘為太常博士寺有禮生孟真久
於其事凡吉凶大儀官不能達率訪焉真亦因
是姑息自恣元和七年冊皇太子將撰儀注真
亦欲叅預亘笞逐之由是禮儀不專於胥吏亦
可知唐自中葉以降朝廷微弱不暇修明典禮
太常所掌多屬具文故胥吏得以干預其事博
士特備官而已

五季

冊府元龜後唐同光中諸寺監各只置大卿監其餘官屬並權停惟太常寺及大理寺事關禮法之重除太常博士更置丞一員

五代史馬縞傳縞事梁為太常少卿以知禮見稱於世唐莊宗時累遷刑部侍郎權判太常寺

謹案五季諸卿監俱不脩官惟太常寺尚沿唐制未有改革然考之五代史盧文紀劉岳崔居儉崔稅諸傳皆嘗為太常卿而少卿一官自馬

縞以外罕所記載疑同光以後亦從併省矣

宋

江少虞宋事實類苑太常寺宋初以來皆禁林之
長主判而禮院自有判院同判院大中祥符中符
瑞繁緝別建禮儀院以輔臣主判而兩制為知院
天禧末罷知院天聖中省禮儀院而寺與院事舊
不相兼康定元年置判寺同判寺並兼禮院事近
有置六七人者按唐太常卿一員少卿二員博士

四員祥符中博士二員後加至四員今若置判寺一員同判寺二員合唐之卿數矣天聖元年改同判院為同知院即博士也

宋史職官志太常寺卿少卿丞各一人博士四人主簿奉禮郎太祝各一人卿掌禮樂郊廟社稷壇壝寢陵之事少卿為之貳丞叅領之禮之名有五皆掌其制度儀式祭祀有大祠有小祠其犧牷幣玉酒醴薦獻器服各辨其等凡親祠掌贊相禮儀

升降之節凡祠事差官卜日齋戒皆檢舉以聞若
禮樂有所損益及祀典神祇爵號與封爵繼嗣之
事當考定者擬上於禮部宋初舊置判寺別置太
常禮院元豐正名始專其職分案五吏額贊引使
二人正禮直官二人副禮直官二人正名贊者七
人守闕贊者七人私名贊者七人胥吏一人胥佐
四人貼司一人書表司一人祠祭局供官十二人
祭器司供官十人本寺太樂祭器庫專知官一人

庫子一人圓壇太樂禮器庫專知官一人庫子一人○博士掌講定五禮儀式有改革則據經審議凡於法應謚者考其行狀撰定謚文有祠事則監視儀物掌凡贊導之事○主簿掌稽考簿書○奉禮郎掌奉掌帛大禮則設親祠版位○太祝掌讀冊辭○提點管幹郊廟祭器所南郊太廟祭器庫提點朝服法物庫所朝服法物庫南郊什物庫太廟什物庫掌藏其器服以待祭祀朝會之用凡冠

服視其等而頒於執事之臣

宋敏求春明退朝錄舊傳太常卿不是卿秘書監不是監以其品列清重不與諸卿監侔耳太常卿在六尚書下其資望與吏部尚書同每入朝隨尚書立班與尚書丞郎同幕次故太常卿號為尚書裏行者蓋謂此也少卿即寄郎中幕次博士則寄員外郎幕次卿與少卿每入幕次皆橫行獨據一榻向門而坐他卿不得並也

山堂考索元祐詔太常寺置長貳餘寺監並長貳
互置南渡并省寺監獨存太常又命太常兼宗正
隆興元年詔光祿歸并太常寺太常丞建炎三年
省紹興三年復置博士紹興止一員以諫議大夫
曾統言添置一員主簿皇祐中宋祁乞增置一員
後更不置元豐正名初除王子琦建炎三年省紹
興十年復置

富大用事文類聚元祐初罷太祝太常少卿鮮于

僉言神考釐定官制太常設奉禮太祝難廢咸乞復置仍請自朝廷選有學行者授之職詔從之

謹案宋自元豐以前太常不置卿貳有事則以他官權攝沈括筆談載有陳彭年攝太常卿誤行黃道之事考之於史彭年本同知太常禮院而猶必攝此職者蓋奉引乃太常卿之職故臨時又須暫置也迨神宗正名太常卿貳已各有定額即南渡省併寺監太常得獨存不廢然觀

樓鑰攻媿集有重修太常寺記稱嘉定中卿少
久闕官舍墮圯則是光寧以後太常仍僅存空
名未嘗脩官矣又陸游老學庵筆記有游在孝
宗初以禮部郎讀祀事是太祝亦不司祝讚蓋
當時太祝奉禮皆門蔭之官宜其不嫻儀制耳

遼

遼史百官志南面官寺官職名有卿少卿

耶律儼
子處貞

為太常
少卿

丞簿太常寺有博士贊引太祝奉禮郎遼

朝雜禮有法物庫所法物庫使法物庫副使

金

金史百官志太常寺

皇統三年正月始置

卿一員從三品少

卿一員正五品丞一員正六品掌禮樂郊廟社稷

祠祀之事博士二員正七品掌檢討典禮檢閱官

一員從九品掌同博士

泰和元年置四年罷

檢討二員從九

品

明昌元年置以品官子孫及終場舉人同國史院漢人書寫例試補

太祝從八品

掌奉祀神主奉禮郎從八品掌設版位執儀行事

元

元史百官志太常禮儀院秩正二品掌大禮樂祭
享祖廟社稷封贈謚號等事中統元年中都立太
常寺設寺丞一員至元二年翰林兼攝太常寺九
年立太常寺設卿一員正三品少卿以下五員品
秩有差十三年省併衙門以侍儀司併入太常寺
十四年增博士一員十六年又增法物庫子掌公
服法服之藏二十年陞正三品別置侍儀司至大

元年改陞院設官十二員正二品二年復為太常
寺正三品延祐元年復改陞院正二品以大司徒
領之七年降從二品天曆六年復陞正二品定置
院使二員正二品同知二員正三品屬官博士二
員正七品奉禮郎二員太祝十員從八品令史四
人通事知印譯史各二人典史三人

謹案唐宋有太常寺別置太常禮院元則併為
一署與歷代不同至議謚定禮之事自魏晉而

後皆以太常博士掌之迄元猶未改斯制明代
以謚典移屬內閣其五禮法式則歸之禮部自
是博士之職始與太祝奉禮無異矣

明

明史職官志太常寺卿一人正三品少卿二人正四品

寺丞二人正六品其屬典簿廳典簿二人正七品贊禮

郎九人正九品嘉靖中增至三十三人後革二人太常掌祭祀禮樂之

事總其官屬籍其政令以聽於禮部凡天神地祇

人鬼歲祭有常先冬十二月朔奏進明年祭日天

子御奉天殿受之乃頒於諸司天子親祭則贊相

禮儀大臣攝事亦如之初吳元年置太常司設卿

正三品

少卿

正四品

丞

正五品

典簿博士

正七品

贊禮郎

從八品

品

洪武三十年改司為寺官制仍舊

二十五年已定司丞正六

品

建文中增設贊禮郎二人太祝一人成祖初悉

復洪武間制

于慎行穀城山房集國家法六典建官既以禮樂

神人之政總之春曹又設太常卿佐使率其屬以奉郊廟羣神之祀而掌其器幣壇場儀文樂舞之數以告時於上而請行之

孫承澤春明夢餘錄太常贊禮郎宋重其官以宰相任子為之明初亦以處文學之士乙科初選每得之後乃以黃冠充焉失矣

謹案國之大事在祀故唐虞三代特設宗官以奉天地宗廟百神之祀其玉帛牲牢尊俎樂舞

車旗之屬亦各以象類典式明脩雖一名一物
莫不有精意存乎其間蓋藉以達其祇事之忱
初非過為繁縟也秦漢以降制度廢缺雜以巫
祝不合禮意其後累朝相繼講貫太常職守始
漸能復古而當時人主或狃於宴安自便之私
或惑於瀆亂不經之說大抵非情則襲唐宋二
代考訂最稱明脩而又徒事彌文不知肅清將
事以交神明之義即如郊祀一節唐世每竭府

庫以犒賞諸軍而陪祀臣僚皆得以推恩封廕
又御樓肆赦廣釋繫囚凡車駕出南門灌其樞
至用脂百斛以歲一舉行之常典動加粉飾侈
張遂致所費不貲輒行廢祀唐書崔寧傳載文
宗語宰相曰郊廟之禮朕當親之但千乘萬騎
國用不給故使有司侍祠唐自肅代以後後親郊
罕紀職此之由宋代沿唐故習變本加厲南郊
執杖兵士至用一萬七千四百餘人青城齋宮

廣為園圃植采木刻鳥獸綿絡其間凡一千七百餘事齋宮幄幔所費纁帛三十餘萬工又倍之玉海載景德郊費六百萬皇祐至一千二百萬務為紛華糜費無算南渡偏隅蕞爾而周密宮禁典儀所載大祀之夕粢盆蕢燭自太廟置至郊壇泰禋門輝映如畫貴家巨室列幕擲比珠翠錦繡絢爛於二十里間士女遊遨通宵不絕非特耗蠹物力而侮慢尤甚終以財用不足

憚行此禮雖有三年親郊之說曠隔動至數載
神不願享國祚用傾良由驕汰怠荒無以感格
之所致也元明雖稍革此弊然元自世祖至文
宗凡七世始克舉南郊親祀之禮明至神宗而
郊廟之禮數十年不一躬親熹宗至以魏忠賢
姪良卿代行郊祀嚴恭寅畏之心蕩然無存矣
國家惇崇祀典禮樂明備我

皇上敬

天尊

祖肅奉明禋禮度所昭質文咸備

郊

廟大典

躬行裸獻精心昭事備極虔恭凡駿奔執事之臣莫

不仰瞻

昨容益深謹凜記曰惟仁人為能享帝惟孝子為能

享親仰見

大聖人對越之誠感通於穆固非三代以來具文從
事者所克髣髴於萬一爾

欽定歷代職官表卷二十七

欽定四庫全書

欽定歷代職官表卷二十八

壇

廟各官表

[illegible]

各祠祭署奉祀祀丞

祝官

福

利紀今
利紀丞

明堂令
明堂丞
太社令
太社丞

郊祀局司郊上	士中士	下士	司社中	士下士
--------	-----	----	-----	-----

南京郊社署令
南京郊社署令
南京郊社署令

今

汾和署

三皇五帝以前

帝王廟

王皇五

帝廟全

周文王

周武王

漢高祖

廟令葬

成王廟

李承 諸太子

廟令張

+

F

本社令

今郊社署
今郊祀署
壇朝日
天壇地

外社署
外稅署
鹽務

武成王社稷尊壇帝王

虞書令令 廟折穀

廟署經丞

杞杞丞

Journal of Management Education

[illegible]

1000

[illegible]

Abstract

$\mathcal{P}(\mathcal{H})$ is a σ -algebra on $\mathcal{H}$.

doi:10.1371/journal.pone.0199240.g001

Figure 1

[illegible]

壇

廟各官

國朝官制

天壇尉滿洲八人

五品一人
六品七人

地壇尉滿洲八人

五品一人
六品七人

太廟尉滿洲十人

四品二人
五品八人

社稷壇尉滿洲五人

五品一人
右俱隸太常寺
六品四人

堂子尉滿洲八人

七品二人
六人
右隸禮部

卷二十八
掌管鑰守衛直宿之事朔望則奉薊以行禮凡祀
日則守門以司其開闔出入之節馬員額順治元
年定凡四品尉闕員以五品尉序陞五品尉闕員
以六品尉序陞惟

太廟五品尉闕則以各

壇六品尉及各部院休致郎中員外郎間次選授六品等
尉闕吏部牒八旗掄送除授

天壇祠祭署奉祀漢人一人

從七品

祀丞漢人一人

從八品

地壇祠祭署奉祀漢人一人祀丞漢人一人

朝日壇祠祭署奉祀漢人一人

夕月壇祠祭署奉祀漢人一人

先農壇祠祭署奉祀漢人一人祀丞漢人一人

帝王廟祠祭署無專員

以漢人贊禮郎司樂內一人委理右俱隸樂部

掌典守神庫以時巡視而督其灑埽之役若葺治

牆宇樹藝林木咸白於長官而敬供其事焉順治

初置奉祀五人祀丞五人尋省祀丞二人凡奉祀

員闕以祀丞序陞祀丞員闕以祝版生掄選除授
謹案順治初設

太廟首領內監一人內監二十九人今省內監九人
社稷壇首領內監一人內監九人今省內監五人又
康熙二十五年

傳心殿告成設首領內監二人內監八人今省首
領一人內監四人又順治初各

壇設壇戶各

廟設廟戶以給埽除乾隆六年以原額過冗量加裁
省今定設壇戶

天

地壇各十八人

社稷壇十五人

朝日

夕月壇各十二人

先農壇二十人廟戶

帝王廟十二人

關帝廟五人

都城隍廟六人又雍正間設昭忠祠賢良祠祠戶
各二十人今各省十人謹識于此

歷代建置

三代

周禮春官典祀中士二人下士四人府二人史二
人胥四人徒四十人掌外祀之兆守皆有域掌其

禁令若以時祭祀則帥其屬而修除徵役于司隸
而役之及祭帥其屬而守其屬禁而蹕之守祧庵
八人女祧每廟二人奚四人掌守先王先公之廟
祧其遺衣服藏焉若將祭祀則各以其服授尸其
廟則有司修除之其祧則守祧黜堊之既祭則藏

其隋與服

鄭康成注隋尸所祭肺脊
黍稷之屬藏之以依神

謹案典祀掌外祀之兆守鄭康成謂所祀於四
郊者賈公彥謂兆五帝於四郊已下皆是今之

各

壇尉其源蓋本於此至守祧當如今之

太廟尉而周制實用奄人蓋因先后之朝衣服及遺器

並藏於廟故以奄人及女奚掌之今

太廟之設內監亦其例也

秦

史記封禪書秦并天下令祠官所常奉天地名山

大川鬼神可得而序也自穀以東名山五大川祠

二自華以西名山七名川四而四大冢鴻岐吳岳
皆有常禾陳寶節來祠灞漣長水豐滂涇渭皆非
大川以近咸陽盡得比山川祠汧洛二淵鳴澤蒲
山岳嶠山之屬為小山川亦皆歲禱賽泮酒祠而
雍有日月參辰南北斗熒惑太白歲星填星二十
八宿風伯雨師四海九臣十四臣諸布諸嚴諸述
之屬百有餘廟西亦有數十祠於湖有周天子祠
于下邳有天神豐滂有昭明天子辟池於社亳有

三社主之祠壽星祠而雍管廟亦有社主其在秦
中最小之神者各以歲時奉祠唯雍四時上帝為
尊常以十月上宿郊見諸此祠皆太祝常主以歲
時奉祠之

謹案嬴秦茂古棄禮故所祠諸神自雍四時而
下其載在祀典者凡數十處最為煩瀆史稱諸
祠皆太祝奉祠蓋以祝官分主之亦如今奉祀
祀丞之比即所謂祠官者是也唐六典以秦漢

祝官分繫之太祝及郊社署令丞條下蓋本於此今用其例既入讀祝官沿革仍互見此表云

漢

漢書百官公卿表奉常有諸廟令長丞又廡太宰太祝令丞五時各一尉如淳注五時在廡故特置太宰以下諸官

漢書車千秋列傳千秋為高寢郎顏師古注高廟衛寢之郎

漢書韋元成傳元成兄高寢令方山

漢書昭帝本紀元鳳四年孝文廟正殿火廟令丞
郎吏皆劾大不敬

漢書郊祀志漢二年冬高帝召故秦祠官復置太
祝太宰如故儀後四歲天下已定詔御史令豐治
粉榆社令祝立蚩尤祠於長安長安置祠祝官女
巫其梁巫祠天地天社天水房中堂上之屬晉巫
祠五帝東君雲中君巫社巫祠族人炊之屬秦巫

祠社主巫保族累之屬荊巫祠堂下巫先司命施
糜之屬九天巫祠九天皆以歲時祠宮中其河巫
祠河於臨晉而南山巫祠南山秦中各有時曰文
帝怠於鬼神之事渭陽長門五帝使祠官領以時
致禮孝景即位十六年祠官各以歲時祠如故武
帝初即位尤敬鬼神之祀人有言古天子常以春
解祠祠黃帝令祠官領之如其方祠官寬舒議后
土壇具太一祠壇立秦時壇禮登中嶽令祠官加

增太室祠至東泰山令祠官禮之而不封諸所興如薄忌泰一及三一冥羊馬行赤星五寬舒之祠官以歲時致禮凡六祠皆太祝領之至如八神諸明年凡山他名祠行過則祠行去則已方士所興祠各自主其人終則已祠官不主它祠皆如故哀帝時祠官九百餘所一歲三萬七千祠云

謹案漢表有諸廟令長丞不言員數考之紀傳高帝廟有高寢令高寢郎孝文廟有令丞郎吏

是每廟各置令丞及郎隨時建設本無定額故
但以諸廟槩之也至鬼神祠祀漢世多未合禮
武帝溺信方士之說所增尤屬不經郊祀志載
哀帝時一歲三萬七千祠實為淫瀆已甚當時
皆以祠官典領而五時之在雍者既有太宰太
祝令丞復各為設尉殆以其為天子郊見上帝
之地故特崇其禮歟

宋書百官志明堂丞二人漢東京初置

後漢書百官志高廟令一人六百石守廟掌案行
埽除無丞世祖廟令一人六百石如高廟屬太常
祠祀令一人六百石典中諸小祠祀丞一人屬少
府

劉昭後漢書志注東觀書曰章帝又置祀令丞
延光元年省

應劭漢官儀高廟令員吏四人衛士一十五人世
祖廟令員吏六人衛士二十人祠祀令從官吏八

人駙僕射一人家丞八人

後漢書殤帝本紀延平元年詔罷祀官不在祀典者

謹案後漢禮儀志正月上丁祠南郊禮畢次北郊明堂高廟世祖廟謂之五供是當時並重其禮乃廟有令而二郊不置官守者疑即以太常所屬之太祝太宰二令兼其事也至明堂丞本屬太史令疑為天文占候而設而宋書又與太

廟令連職則亦當兼掌祠祀故既載入欽天監
仍互見於此表又案西漢諸廟皆有令丞而東
漢惟置高光二廟令者蓋西漢諸帝皆別起寢
廟東漢自明帝詔無起寢廟藏主於光烈皇后
更衣別室四時合祭於世祖廟嗣後歷代不敢
違皆藏主於世祖廟是東漢惟有世祖一廟故
設官亦止於此又祠祀令掌禁中諸小祠祀故
屬於少府不關太常殆即殤帝紀所稱祀官者

歟

三國

唐六典魏有太廟令丞

晉

晉書職官志太常有太廟令

宋齊梁陳

宋書百官志太廟令一人丞一人領齋郎二十四

人明堂令一人宋世祖大明中置丞一人

唐六典宋明堂令丞掌宗祀五帝之事

南齊書百官志太廟令一人丞一人明堂令一人丞一人皆有職史

隋書職官志梁品秩定為十八班明堂二廟令為二班又太社令為三品蘊位

唐六典梁太常統明堂太社等令丞

胡三省通鑑注梁立太廟祀太祖以上又有小廟太祖太夫人廟也有二廟令掌廟事

隋書百官志陳明堂太廟等令六百石品第五

謹案二廟為梁之制故陳仍改為太廟令其
後陳文帝又即梁之小廟祀其父始興昭烈王
改曰國廟則其禮少損故未嘗設官典守也至
太社令陳制未見當已裁併矣

北魏

魏書律歷志太廟令龐靈扶

魏書禮志太宗嘗於白登廟有神異焉太廟博士

許鍾上言宜告天下

唐六典後魏祀官齋郎九品中

謹案魏書官氏志不載有郊廟典守之官而太廟令太廟博士別著於律歷志及禮志則亦與前代制度畧同也至六典所謂祀官齋郎即官氏志之太常齋郎其名始見於宋書百官志至魏而遂有品秩隋唐以後亦相因不改今太常寺額設有執事生九十人以供各

壇

廟及凡中祀羣祀典守金玉香帛與司尊司爵司鑪之事是即齋郎之比矣

北齊

隋書百官志後齊太常統太廟署令丞掌郊廟社稷等事太廟兼領郊祠崇虛二局丞郊祠掌五郊羣神事崇虛掌五岳四瀆神祀在京及諸州道士簿帳等事

謹案北齊不置明堂太社等令而以太廟令兼掌郊社名實乖互於禮制殊為未協

後周

杜佑通典後周官品正五命春官守廟典祀等中
大夫正四命春官小守廟小典祀等下大夫正三
命春官小守廟小典祀司郊等上士正二命春官
司郊司社等中士正一命春官小守廟奄司郊司
社等下士

謹案後周典祀即本周官舊名其守廟亦仍守
祧所置而司郊司社則又後世明堂太社二令
之職蓋亦雜採古今之制而為之者也

隋

隋書百官志太常統郊社太廟等署各置令一人
丞八人郊社則丞至二人煬帝即位太廟署又置
陰室丞守視陰室

唐六典隋郊社署又置門僕齋郎

唐

新唐書百官志兩京郊社署令各一人從七品下
丞各一人從八品下令掌五郊社稷明堂之位與
奉禮郎設樽罍篚罍而太官令實之立燎壇積柴
合朔有變則巡察四門以俟變過時則罷有府二
人史四人典事五人掌固五人門僕八人齋郎一
百二十人齋郎掌供郊廟之役太廟九室室有長
三人以主樽罍篚罍鎖鑰又有罍洗二人郊壇有

掌座二十四人以主神御之物皆禮部奏補凡室
長十年掌座十二年皆授官祭饗而員少兼取三
館學生皆絳衣絳幘更一番者戶部下蠲符歲一
申考諸署所擇者太常以十月申解於禮部如貢
舉法帖論語及一大經中第者錄奏吏部注冬集
散官否者番上如初六試而絀授散官○汾祠署
令一人從七品下丞一人從八品上掌享祭灑埽
之制有府二人史四人廟幹二人開元二十一年

置署○三皇五帝以前帝王三皇五帝周文王武
王漢高祖兩京武成王廟令一人從六品下丞一
人正八品下掌開闔灑埽釋奠之禮有錄事一人
府二人史四人廟幹二人掌固四人門僕八人神
龍二年兩京置齊太公廟署其後廢開元十九年
復置天寶三載初置周文王廟署六載置三皇五
帝廟署七載置三皇五帝以前帝王廟署九載置
周武王漢高祖廟署上元元年改齊太公廟署為

武成王廟署○諸太子廟令各一人從八品上丞
各一人正九品下錄事各一人掌灑埽開闔之節
四時享祭焉有府各一人史各二人典事各二人
掌固各一人

謹案唐六典無太廟署令丞其太廟齋郎兩京
各一百三十人太廟門僕兩京各三十二人皆
領屬於太常卿據冊府元龜開元二十四年以
宗廟所奉不可名以署太常少卿韋縚奏廢太

廟署以少卿一人知太廟事則是唐初本有太廟署至開元而始廢也其後濮陽王徹為宗正卿復建議以宗正司屬籍請以宗廟隸宗正自是遂不屬太常故歐陽修新唐書志已移載入宗正寺條下惟唐六典尚繫之太常蓋以成書在前未及修改之故乃舊唐書志亦襲用六典舊文不加刊正疎舛甚矣

五季

未置

宋

章俊卿山堂考索宋初置郊社令命石祖元為之
熙寧元年郊社局令張伯世言局有郊社名而不
主四郊之事案唐六典兩京郊社局令各一人掌
五郊社稷明堂之位然則郊社通掌五郊之事乞
自今兼令勾當四郊壇壝之事使得巡視提舉所
貴官正其名郊兆常潔從之於是始主四郊壇壝
掌凡埽除之事祭祀則省牲渡江初闕紹興十九

年始除韓彥直為太社令請給並依五監主簿例
富大用事文類聚郊社令嘉祐元年置元祐職令
正九品

馬端臨文獻通考宋宗廟室長齋郎無常數廟直
官一人太廟后廟宮闈令三人以入內內侍充元
豐後太廟令屬宗正寺掌宗廟薦新七祀及功臣
從享之禮品秩與太社令同

宋史職官志宮闈令率其屬以汎灑廟廷凡修治

潔除之事

宋史禮志元豐元年詳定郊廟禮文所請如唐置太廟局令以宗正丞充罷攝知廟少卿而宮闈令不預祠事從之

謹案宋太廟令本內侍兼職自元豐定制以宗正丞充之始改用朝官洵為合禮其宮闈令在唐屬內侍省本掌侍奉宮闈之事以遇太廟大享時當帥其屬出皇后神主於室遂令得預祠

事迨元豐裁改後當亦通用士流矣至太廟后
廟各置一令蓋因宋世皇后之未升祔者皆祭
於別廟故特設官以典其祀事南渡以後此職
未見殆已併于太廟令歟

遼
未置

金

金史百官志太廟署皇統八年太廟成設署置令
丞仍兼提舉慶元明德永祚三宮令一員從六品

掌太廟衍慶坤寧宮殿神御諸物及提控諸門關

鍵埽除守衛兼廩犧令事丞一員從七品兼廩犧

署丞直長明昌三年罷○郊社署

承安三年設祝史齋郎百六十

人大安元年奏兼武成王廟署

令一員從六品丞一員從七品掌

社稷祠祀祈禱并廳舍祭器等物直長明昌三年

廢○武成王廟署大安元年置令從六品丞從七

品掌春秋祀享以郊社令丞兼

金史禮志太廟門翼兩廡各二十有五楹為齋郎

金史卷之八
卷二十八
執事之次西南垣外則廟署也

謹案金以燕京原廟為衍慶宮昭德皇后影廟
為坤儀廟故太廟令兼司其宮殿神御之事百
官志以坤儀為坤寧蓋傳刻之誤也又金史禮
志朝享太廟儀有太祝宮闈令升殿開祐室出
帝后神主設于座之文考之百官志惟宣徽院
有宮闈局主閣門禁令並非奉祀之員蓋亦沿
唐制令之臨時權攝行事與宋之特置以汎灑

廟廷者又有異矣

元

元史百官志太廟署秩從六品掌宗廟行禮兼廩
犧署事至元三年始置令一員從六品丞一員從
六品○郊祀署秩從六品大德九年始置掌郊祀
行禮兼廩犧署事令二員從六品丞二員從七品
○社稷署秩從六品大德元年始置令二員從六
品丞一員從七品

元史祭祀志太廟儀鸞庫在宮城之東北南向都監局在其東少南西向

謹案元太廟有都監局則必嘗置都監一官以守衛廟廷蓋如今

太廟尉之比其後或以他官兼之故不見于百官志也又宋代始置祖宗神御殿以擬漢之原廟元因其制於各僧寺設立影堂所奉御容皆紋綺局織錦為之世祖裕宗在大聖壽萬安寺順宗仁

宗在大普慶寺成宗在大天壽萬寧寺武宗在
大崇恩福元寺顯宗明宗在大天源延聖寺英
宗在大永福寺設太禧宗禋院以司其享祀禮
典凡錢糧之出入營繕之作輟悉統之置院使
同知等官所屬有隆禧總管府會福總管府崇
祥總管府隆祥使司壽福總管府各置達魯噶
齊總管副達魯噶齊等員又立司禋監奉太祖
太宗睿宗三朝御容于石佛寺揆之禮制未免

裏瀆今故不著於表而附識其略于此

明

明史職官志天壇地壇朝日壇夕月壇先農壇帝

王廟祈穀殿各祠祭署俱奉祀一人

從七品

祀丞二

人

從八品

洪武初置各祠祭署設署令署丞二十四

年改各署令為奉祀署丞為祀丞建文中更天壇

祠祭署為南郊祠祭署成祖初惟易天壇為天地

壇餘悉復洪武間制

建文時南郊祠祭署為郊壇祠祭署已又改為天地壇祠

祭署

世宗釐祀典分天地壇為天壇地壇山川壇藉

田祠祭署為神祇壇大祀殿為祈穀殿增置朝日
夕月二壇各設祠祭署萬曆四年改神祇壇為先
農壇

謹案三代以宗官事神其職最重自漢以後亦
多用士人如車千秋以高寢郎至擢為丞相封
侯是也自北齊太廟令兼領崇虛局主道士籍
帳於是明禋大禮遂得以黃冠錯雜其間迨明

欽定四庫全書

欽定歷代職官表
卷二十八


二十二

代而郊壇執事率用道流凡神樂觀樂官及奉祀祀丞之屬皆由此選充甚者如嘉靖間之邵世恩至為太常卿陶啟南龔可佩至為太常少卿其他官至寺丞博士者甚多雖由世業相承而稽諸禮制實乖典則

本朝初沿明舊乾隆七年特奉

詔禁止凡充太常樂員者毋得仍習道教如有不願改業者削其籍聽為道士祀事祇承於是益加

嚴潔矣



欽定四庫全書

欽定歷代職官表
卷二十八

二十三

欽定歷代職官表卷二十八